

# 北洋官報

目錄

宮門抄  
交旨

奏請◎度支部奏派員查勘各省禁種土藥片△續吏部  
奏考核調用人員辦法摺△又奏推廣部屬簽分辦法  
摺△蘇撫陳奉新訂刑律草案簽註摺  
公體◎運司詳一件△礦政局詳一件△安州稟一件  
文告五則△電報七則△初開十二則  
彙編◎四川自治研究所簡章△山東禁煙禁種章程  
戊申官報目錄

本 日 增 刊 戊 申 官 報 日 錄 一 頁

## 宮門抄

二月十六日 陸軍部 鑾儀衛 肅白旗值日 大額駙續假五日 意公續假十日 德公 文泰各假滿  
請 安 內務府奏二十日祭 奉先殿潤貝勒行禮 召見軍機 鐵良 壽勳 姚錫光 延  
昌遞封奏一件

## 交旨

二月十六日 軍機大臣欽奉  
諭旨此次驗放之卓異官候選道前直隸雄縣知縣謝愷著以道員即選欽此  
諭旨此次驗放之卓異官知府用在任候補直隸州知州直隸清苑縣知縣黃國璋著以知府在任即補欽此  
諭旨陸軍部奏核議江西南贛勦匪獎案聲明定章請旨一摺著照二十年吏部定章文武分計各以十員為限欽  
此  
諭旨內閣侍讀學士延昌奏豫籌八旗生計各摺片著該衙門議奏欽此

## 奏議錄要

度支部奏請派員前往江南等省查勘禁種土藥情形片

再上年十一月間臣部以江南安徽河南山東山西五省定議禁種土藥必於煙苗發生之時由臣部奏派專員前

往切實察勘設有地方官敷衍欺飾照章議處所有各該省統稅分局應否裁撤俟查勘後再行分別辦理等因奉  
奉 允准欽遵在案現當春令煙苗將萬應即派員周歷查勘查有候補四品京堂幫辦土藥統稅事務方碩輔  
向來辦事認真曾在河南山西兩省辦理土稅情形最為熟悉而江南安徽山東三省亦相距匪遙擬即派令前往  
切實履勘如蒙 兪允即由臣部行知該幫辦遵照辦理又上年臣部奏定吸煙牌照捐章程係屬一律通行現  
聞各該省辦理多未一律應併令該幫辦隨地稽查如有違章重征或征及過境之土者即照案將承辦地方官查  
取職名送部嚴參至福建雲南黑龍江等省業據各該督撫奏明禁種現當煙苗發生之時應由各該省自行派員  
周歷查勘據實奏報不得稍有粉飾所有派員前往各省察看禁種土藥情形理合附片具陳伏乞 聖鑒謹  
奏宣統元年二月初四日奉 旨依議欽此

吏部奏酌擬考核調用人員切實辦法摺(續昨報)

謹將酌擬考核調用人員切實辦法十條繕具清單恭呈 御覽 計開 一近年京外破格用人已成慣例若

概繼以從前舊法斷難悉合擬嗣後分別准發往不准發往之案即以光緒三十三年十二月憲政編查館會同學

部所定通行章程為斷如此項章程內有未備者則悉照臣部定例辦理所有各省各衙門未奉此次 上諭以

前一切成案不得復行援引以清界限而免紛歧 一近年奏調咨調人員外並有徑自札調者查從前咨調之案

臣部均一律駁令具奏應請嗣後無論官階大小非經奏明不得作為到部到省人員亦不得再有咨調札調名目

其僅供差遣無關署補升轉者不在此限 一現奉 上諭嗣後奏調之員應由臣部發往是從前業經署補實

缺各員已可不必深論惟內有先已調部調省而臣部並未得咨報案據者亦有本未奏調咨調即將投効人員徑

自奏留補用者應於奏留或奏補時一體考核分別准駁 一京官擬補各缺照例先由該衙門咨行臣部查核俟

核覆相符再由該衙門帶領引 見驗放近年各部院奏署奏補人員往往於奉 旨後始行知照臣部致臣

部碍難辦理嗣後遇有如此情事仍應由臣部覆加考核班次未符者即隨時據實奏 聞 一外省奏調及奏

留之案如係奉 旨照准者向由臣部欽遵知照嗣後應請 飭下各督撫將是否合例之處先於原摺內一

律聲明如未經聲明經臣部覆查實有不合例事故雖奉 旨允准之案仍擬由臣部照例奏請更正 一憲政

編查館會同學部原定留學生調用章程內稱原係實缺候補者准以原官或對品相當官缺分別奏補等語查京

外官缺有雖係對品而體制實大相懸殊者僅稱相當亦易啟任意高下之弊嗣後外官調京應照滿洲道府等官

內用定例京官調外應照各項京員改外新章分別實缺候補由臣部核定官階班次隨時知照 一京官調補外

官外官調補京官所有原官升階等項應即註銷原係實缺者並一律開去底缺以杜取巧如僅調辦各項差務者不在此限但不得借署額缺及委任地方一甫經調部調省之員或又有他部他省紛紛請調者應專就先到之部之省格共職守以憑實驗所長其續調之案即由臣部奏明概予撤銷不准復行發往一丁憂人員嗣後仍照例不准調用其已調各員亦不准再行委署各缺至革職人員應分別情節輕重由臣部核明另行具奏請旨定奪原有永不叙用字樣者概請毋庸置議一自此次奉旨後京外奏調人員統由該部院該督撫造具詳細履歷清冊並捐照文憑等項一併咨送臣部考核其從前未經造冊者亦應一律補送以憑立案

### 吏部奏請推廣部屬簽分辦法摺

奏爲申明前奏仍請推廣部屬簽分事竊查向來各部院衙門司員筆帖式等官除特旨指定部分人員外其餘均由臣部掣簽分發惟外務部建部後雖亦用郎中員外郎主事司務等項名目因其承總理衙門之舊與軍機章京一例從無分發之說商部繼之先亦由各衙門司員內保送考試而其後一皆改爲奏調光緒三十二年十月間臣部以釐定官制恐添改各部紛紛援照新例於分發人員殊多窒礙奏請將新舊衙門但經設有學館學堂者均准一律發往隨同學習當經奉旨依議欽此嗣據民政部農工商部先後覆奏未能遵辦因之其餘新設衙門亦均未遑置議三十三年舉貢廷試蒙恩錄用部屬復經臣部以此項人員係出曠典且皆

學有專長奏准量予變通其時并外務部大理院亦均分發有案而此外仍各暫如其舊現在綜計各項簽支滿郎中少工部一簽滿員外郎主事少工部太僕寺二簽筆帖式少配之簽尤多漢員正途出身者略如滿郎中異途者祇分度支陸軍法部等三部至滿漢司務則除吏禮二部外餘部額缺均經裁撤其隨時照例呈請分發之員若

### 特用若

恩廕若勞績議叙等項人數本未少減並捐納移獎裁缺改用人員亦均未經用竣若長此不變不

獨臣等數部擁擠日甚勢將無可位置即其中志趣向上者亦未嘗無留意新政之材用遠所長尤覺可惜臣等再四籌思現在內外用人大半猶循舊制即如部屬補缺後截取保送以及簡任地方於警察獄訟學務並一切富強實業無一不需兼辦是其進身之始即不必過分畛域轉致異時臨民不免乏才之患至各該衙門創建已久規模日闢爲經久計似畜艾樹木更自不厭多途擬請嗣後尋常分發除外務部仍毋庸配簽外其餘無論滿漢異途出身人員准添配民政部農工商部郵傳部等簽正途出身人員再添配學部一簽其大理院衙門無論何項出

身均一律掣分即按照該院所設階品及舉貢改用之法按品改用筆帖式司務二項亦應就已設各級錄事書記等官衙門分別發往與大理院改用司員之法一律辦理此外實係訪有專門學業堪備調用者仍聽其隨時調用應扣奏留者各按例定奏留限期嚴行甄別未奏留以前俱不准其補署各缺人地實不相宜者仍咨回臣部酌量改掣如此辦理計有數便一疏通壅滯二廣勵材能三畫一體制四稍杜奔競臣等一再申請經之愚實在於此如蒙 兪允應由臣部通行各衙門一體遵照所有臣等申明前奏仍請推廣部屬簽分緣由謹繕摺具陳是否  
有當伏乞

皇上聖鑒訓示謹 奏宣統元年二月十二日奉 旨已錄

江蘇巡撫陳啟泰奏新訂刑律草案逐條籤註摺

奏爲新訂刑律總分各則草案逐條籤註恭摺具陳仰祈 聖鑒事竊准憲政編查館王大臣先後咨准軍機處

片交修訂法律大臣沈家本具奏刑律總則分則草案告成繕單呈 覽各摺均奉 旨憲政編查館知

道單併發欽此將總則分則草案咨送到臣當經札發臬司論訂參攷詳具理由分別籤註去後茲據江蘇按察使

左孝同逐條籤註造冊具詳前來伏查我 朝刑法承前明之舊制經 列聖之纂修詳明平恕悉準天理人

情之至允宜垂之萬禩奉爲憲章者也迺自中西互市華洋雜居人異其俗國異其政刑章亦異其輕重外人遂藉

口於我法律之不善以伸其治外法權彼此交涉動多爲難鑒於國際處於時局誠有不能不改之勢然刑罰之原

基於禮教禮教既異刑罰即不能盡同細核草案總則分則規定各條集類分章多取法於日本其間輕重配置則

又折衷於現行條例因革損益不無可行之處而摘其大要尙有三失刑亂用重古有明訓成周刑措尙有大辟二

百誠以生人固仁殺人亦義天道不能有春而無秋王法不能有生而無殺苟慕輕刑之名即滋養奸之弊甚非聖

人明刑弼教之意也現行律例死刑七百六十條益以歷年加重重章程法網雖云繁密然凌遲臬示業奉 明

詔免除立決監候又復層遞降改亦足以示寬大之仁況秋賦衡情實予勾決者十不逮一名爲死刑初未嘗盡絕

生機東西各國死刑較少中律改良原不得不稍加刪節第通計草案處死刑者僅四十六條以視現行例章相去

不啻十數倍甚至謀反叛逆強盜強姦尙有不死之條而各項之未遂罪皆得以罰金了之恐水懦民玩犯法者更

多此失之太輕者一罰若畫一立法本無二門故自斬絞以至杖笞等級井然刑止終於一成例不介於兩可苟有出入雖一杖一笞吏議有所不恕草案每條文於罪名之等級往往設爲某等刑至某等刑上下或併處以罰金而罰金之數又定爲數千以下至數百以上上下起訖相去太懸易刑附刑界說未明即如第一百八十二條內云處死刑無期徒刑或一等有期徒刑同一罪狀而論刑則分三等凡此之類不勝枚舉其條文內又未將如何而得處何刑之處酌爲聲叙當此裁判人才缺乏官吏於法律未盡熟諳勢必至高下任意處斷難平此失於太混者一禮曰聽訟必察小大之比周書上下比罪可見比附加減之法三代已有行之非自秦漢以降始創也誠以天下事變萬端有非法律所能賅備者故特設此條爲用法之準則此正執簡御繁之善法雖曰援引比附而仍不越乎正律之範圍猶是司法之向例與立法迥乎不同豈得指比附爲司法而兼立法與三權分立之義不符竟可刪除不用况考諸外國法律非無比較參照之辦法即草案內亦尚有準照某條適用之文乃獨於第十條著明凡律例無正條者不論何種行爲不得爲罪轉似明導人以作奸趨避之路此失於太疎者一他若枉法贓之不著以死法和姦罪之不及於室女殺傷外國代表既以傷害尊親屬論而殺制使及本管官轉概於普通殺人之列子孫謀殺父祖既僅處以死刑而父祖之殺子孫轉與凡人同論此尤關於政體名教大爲人心世道之憂總之現時法律雖不能不採取新說以期便於交涉亦不能不兼顧內政使無越於禮防本此旨以決從違則施行自無所扞格至於採用日本名詞驟見之雖覺新異細按之尙屬簡賅惟語句艱澁頗多費解未必知愚共曉雖中律亦有非註不明者而草案實爲尤甚此非名詞稍新之足病實文義太晦而難明也除將籤註條文清冊咨送憲政編查館核定外理合會同兩江總督臣端方恭摺具 奏伏乞  
皇上聖鑒訓示謹 奏宣統元年二月十三日奉 硃批著修訂法律大臣法部彙同京外各衙門條奏詳慎斟酌另訂具奏欽此

## 公牘錄要

運司詳商人益照臨稟湯陰縣私販劫犯莊巡應飭府提訊秉公懲辦請核咨文並批

爲詳請事竊於本年正月二十四日據商人益照臨稟稱竊於上年十一月二十日上午商店巡蕭義花等在湯陰

縣東北鄉出道遇有素識之張明月告知村東土窰內窩藏私鹽甚多伊甘作引綫往拏商店巡等果於窰中起獲私鹽一袋計重七十餘斤并鹽犯魏貴一名正送案問路經北青塚村突有魏貴之中表親戚史連史花率領不知姓名百數人各持槍械攔阻即將私犯魏貴劫去商店巡等一面分路護鹽跑回一面與伊等支持匪徒等槍刀齊施商店巡李廷富孫榮貴均受多傷史連首先開放火槍商店巡李沛然亦開槍還擊維時張明月亦奪槍施放助巡助匪皆不得知匪衆巡寡被其冲散互毆逾時商店巡始得逃脫而查點人數已失大半槍亦被奪就近探聽聞商店巡李沛然被匪網縛樹上用洋槍擊殺商店巡李廷富等不知下落隨即飛報總店商店因案關犯犯賤巡情節重大一再稟報湯陰縣在案縣憲舒於次日詣驗當由該村起出商店巡李廷富一名併孫榮貴均驗有刀槍火器等傷檢驗商店巡李沛然屍身頸有繩痕二道背有槍彈穿傷確係中槍身死而首犯史連之姪史雪仔及霍秀李文志亦經格斃均經驗明填格實因拏鹽犯啓蚌毫無他故此案中先後情形道路皆知毫無移易者也而該縣迭次堂訊置商店稟於不問照平民械鬪審辦將要犯史連等當堂開釋凡匪黨之受微傷者皆給賞藥錢而商店巡孫榮貴李廷富身受砂彈槍刀重傷不容起治非刑拷訊煨煉周內嚴刑鎖押意謂格斃匪徒三名必須以商店巡三人承當於賤殺商店巡之凶犯僅究出霍玉龍一人幫凶之霍成安李麥成均未傳到上詳文中僅據地保史金玉捏飾之詞商店稟益未叙及一字史金玉即史連史花同族何患不加意裝點脫卸其詞中所云魏貴順取史花染坊挑布竿拒捕魏貴係在村東拏獲當不待村中方行拒捕且拒捕僅持一竿而商店巡數人不難立獲焉用開槍商店巡受有刀槍火器等傷拒捕者豈止魏貴一人至開槍轟傷只以三不知低昂其詞包藏禍心一覽而盡查商店巡李沛然李廷富孫榮貴均報部有名李沛然雖格斃匪徒伊等亦不能私行捆殺儼若行刑李廷富孫榮貴係原拏巡且係稟請驗傷之人亦不得謂之弋獲種種支離縣廉不但不駁且力爲作主庇匪抑商莫此爲甚查該縣盜匪最多人性野蠻劫犯傷巡之案層見迭出迄未懲辦湯陰本隸豫省又不屬憲台所轄該縣膜視原無足怪惟以劫犯殺巡重案而如此顛倒天理何存萬不獲已縷晰上陳伏乞鑒察據情詳咨河南撫院札行彰德府提取全案按照實情秉公訊斷以成信讞而重鹽法則感德無既矣等情據此本司查該商所稟案關奪犯賤巡情節重大何以該縣並不認真訊辦一任各犯狡供避就殊欠平允自應據情詳請咨會河南撫院札飭彰德府提

訊明確秉公懲辦以成信讞而重鹽法除稟批示外理合詳請 憲台查核轉咨飭遵實爲公便  
督憲楊 批據詳已悉仰候咨會 河南撫院查照轉飭彰德府提訊明確秉公懲辦以成信讞而重鹽法此繳

礦政調查局詳林鳳鈞因陳國楨請勘界外煤礦有碍綫脉請咨部文並批

爲詳請事據職商林鳳鈞劉奇坤等稟稱竊職於上月間有陳商國楨於宛平縣屬東西齋堂之金窩溝地方稟請探礦無論該處無此山名顯係朦蔽憲聰爲聲東擊西之計即使一水溝內可以開井出煤不察其脈絡之會歸苗綫之趨向一往而前必致暗侵職礦之蘊藏相爭靡已蓋不問礦面之遠近但使同一苗綫斷不容兩家開挖以啓爭端也今幸蒙 督憲特委馬觀察前往該處切實查勘職局亦訪延專門礦學之礦師江景華於職商自置礦產諸山界內界外詳加探索其苗綫實係一氣貫通祇可由職商續增礦界以固藩籬斷不可使外侮捏造山名陰圖破壞方今 國家振興礦務極意維持除開平萍鄉等處大啓宏規難與比較外其臨城井陘六合溝嶧縣諸礦凡有成效可觀者類皆於創辦之始寬其限制恤其艱難祛其擾害助其成功方能漸入佳境利國利民職商自領青龍澗開礦執照後辛苦經營甫見端緒乃忽有陳商金窩溝之煤各股東慮爲所奪遂又觀望不前此等妨碍不期然而然實足灰志士之心而阻開源之路似於大局頗受影響用特再布悃忱懇乞俯鑒下情維護等情據此查此案前據該職商具稟當經職局詳委馬道勒明林鳳鈞已辦礦界距陳國楨請探礦所約八九里按照章程相距確在六百官尺以外且陳國楨請勘之礦係屬紅煤林鳳鈞開採之礦係屬白煤則各開各礦似屬兩無妨碍惟林鳳鈞兩次具稟堅稱陳國楨請勘礦所與該礦事權有碍職道等公同商酌林陳兩商同屬公司如准陳商開採雖與新章尙無不合究恐將來彼此爭競必至兩敗俱傷且地段相距甚近兩公司既不能合而爲一似無并立之理事關振興實業考查不厭求詳究竟陳國楨請勘之礦應否准探林鳳鈞具稟之詞應否照准職局未便擅定擬懇據情咨請 部示俾有遵循除批示外理合具文詳請 憲台查核訓示并乞轉咨 農工商部核示實爲公便

督憲楊 批據詳已悉仰候據情咨請 農工商部核覆飭遵繳

安州劉牧寶泰稟 督憲造送初選舉人名冊文

敬稟者竊卑州派員調查選舉人資格前已逾限稟辦在案伏思現辦選舉事宜卽爲選舉諮議局議員而設並爲

預儲資政院議員之階其資格之限制既嚴斯調查之關繫益鉅偏隅民智未盡開通創辦之初全資開導俾曉然於權利所在動其歆羨名譽之心卑職爰先邀集城鄉紳董村正副等揭明選舉理由詳示調查辦法當場發給資格表令其依期填送並飭調查員自十月初一日起前赴各段村鎮切實調查又於是月中旬收表之後分投覆加查核錯則改正漏則補填所幸紳民人等尙知權利攸關不肯放棄尤賴各調查員始終罔懈不畏繁難迨將各表彙齊復由卑職逐加釐正核定所載資格期於無濫無遺綜計安州安州鄉合格人數凡有一千一十四名查定章初選舉人名冊應於十二月初一告成初十以前申送前奉籌辦處札發人名冊式內開此册一分存案三分申復選監督轉報其餘每投票所各給一分並函示安州安州鄉一切選舉事宜即按一初選舉區辦理製備全數名冊於各投票所令投票人不分畛域又奉府檄飭將同姓編列一處以清眉目各等因遵將應需人名冊督同調查員匯總造成九分以一分存州以五分備發各投票所以三分申送本府核轉均未稍逾定限各調查員並於造册完畢後一律裁撤至卑州前將轄境分爲五段調查即係斟酌地勢形便均勻配定將來投票區域擬按前定段數就各該段適中之地各設投票所一處屆時再行詳細繪圖具報所有卑州調查事竣依限造送選舉人名冊緣由理合稟請 大帥查核肅稟恭請 勛安伏乞 垂鑒

### 文告錄要

督憲批示錄要○運司詳永七鹽務出力員司巡勇請援案擇尤分別給獎由 批據詳已悉所有摺開辦理永七

鹽務出力之員司弁目分省試用通判王光第等二十員名均准給五品獎札以示鼓勵茲繕就獎札隨批發司仰卽查收轉給祇領摺存此繳○警務處詳據長垣縣稟請獎勵巡官張作礪功牌一案由 批據詳已悉查長

垣縣巡官張作礪緝捕出力應准給予六品功牌以示鼓勵茲將功牌一張隨批印發仰卽飭縣轉給祇領此繳藩台批示○滿城縣廩生楊鈴等稟典當田房新章以前應否補稅請飭縣示諭由 批據稟滿城縣典當田房該

前縣吳令將新章以前典契催令補稅復將推租之旗地亦令民間一律納稅等情是否屬實候札飭現署滿城縣王令查明據實詳覆核奪爲此牌示知照

直隸法政學堂牌示○爲牌示事照得本堂前次錄取各生未經覆試者尙有十九人現在紛紛稟請覆試自應照

准合亟牌示爲此示仰前次錄取未經覆試各生務於十五日早九鐘來堂聽候點名補試切勿自誤此示○又示 爲牌示事照得本堂續招自費學員簡章業經聲明於本月十五日齊集本堂屆試合再牌示爲此示仰報名諸生自帶筆墨一律於十五日早九鐘以前來堂聽候點名予考片紙隻字不准攜帶違者一經查出定行扣考此諭

保定工巡總局批示○劉福堂等具稟一案 批稟悉姑候北京開演後再行查章核辦○候選道庫大使章斌綬具稟一案 批候傳飭開封發還執業此批

附錄天津官事○督憲札委候補知縣王大令振麟考查山東濟南一帶津浦鐵路地段并黃河橋工

### 電報錄要

倫敦電○奧國駐塞非亞公使福爾噶士伯爵現由塞京啓程回國并照會塞政府謂塞國預備軍事以及一切舉動奧國實不能再行忍耐云

又電○巴黎消息法國海軍大臣比喀爾德氏現在允許將前訂海軍經費二萬二千三百萬佛郎減爲三千萬佛郎聞須另訂海軍章程

紐約電○美國遊歷太平洋艦隊現在舊金山停泊總司令官海軍大將司伯爾氏諭令各艦駛往各港停泊聞美政府擬於一年內再組織艦隊兩部共艦十六艘

又電○美議院郵政議員甚贊成議訂協濟郵政表式交議院核議以便撥款協濟海上郵政

東京電○德國駐日本公使穆默男爵擬於西三月內由日本啓程回國

又電○美國新總統戴夫德氏履新之日日皇與日本首相桂太郎均致電稱賀

### 新政紀聞

政 治

宣講選舉權之要旨○江蘇句容縣各紳董於日前齊集商會以諮議局選舉議員一屆期限將屆恐各鄉鎮合格議員尚未深悉投票選舉等事時懷疑慮特開大會召集各鄉父老由宣講員登台演說選舉權之不可放棄與被選舉權之宜寶貴且對於地方有應盡之義務即對於一家一身亦有密切之關繫聞者無不歡欣鼓舞云

通飭開辦地方自治○魯撫袁海帥以地方自治爲預備立憲第一緊要問題經派三司籌辦自治研究所但畢業期限尙須一年爰通飭各屬先行設立自治公所派委公正紳士籌辦一切以資練習俟自治研究所委員畢業即各回本地辦理自治事宜現自治研究所設於題壁堂內所長爲湖南方表教務長爲甯海曲阜卓新各屬保送之紳士統限正月二十以前到省以便擇期舉行開所典禮云

## 軍政

添設衛戍司令處○江甯衛戍勤務向由新軍各標營輪派目兵擔任故其辦公處所亦附設於鎮司令處去歲因會操大典由徐統制詳准督院將此項目兵調回操練所有守衛職務改歸巡防營隊輪派至衛戍司令處亦移設於巡防營務處內以歸畫一惟該處房屋狹隘難以棲止現由衛戍副官姜芷叔君在芝蔴營租賃民屋一所

於本月初開辦

條陳內河水巡辦法○浙撫增中丞前擬創辦內河水路巡警當有現充高等巡警學堂監督劉君曼觀察擬定全省內河水巡事宜條陳呈請中丞察核施行以斟酌地方情形劃清區域分緩急先後爲入手辦法約分區域大別爲三一自仁和縣屬之湖墅爲起點東北嘉湖屬一帶至江蘇接壤之省界爲限西北湖屬一帶至大湖各口及與江蘇毗連之交通河道分界處爲止劃爲一區定名爲杭嘉湖內河水路巡警局 二自錢江爲起點西南溯江而上直達開化縣屬之溪河爲止劃爲一區定名爲錢江金衢嚴水路巡警局 三自蕭山縣屬之西興爲起點沿塘直達曹娥百官餘姚甯波至鎮海招寶山海口爲止定名甯紹內河水路巡警局 三者之外溫召二府沿海居多須俟開辦沿海水路巡警時再行規劃處州一府山鄉居多宜先從整頓城鄉鎮埠巡警著手水路似可緩議云云

## 民事

禁煙總局覆函照錄○直隸禁煙總局函覆日本警察公署云敬啟者接奉來示悉貴署將關帝廟西私設煙館之舖掌李三及吸煙人五名捕獲送交南段總局懲辦足徵貴署協力相助銘感之至前承台端面囑此等煙犯應從重懲辦尤緝公誼除函請南段總局重懲外相應肅函鳴謝敬請台安

董事會議結案件○天津縣董事會宣統元年正月已結案件如下 議事會函知調查芥園廟僧盜賣廟地事

已將廟產白塘口地並自來水股十五股充公 又調查單玉祥廟地充公事 已將查明並質問情形函覆

議事會核議 又刁玉林與程大地畝轆轤說帖 已由本會查勘分清地段 郭成華爲售出大虛觀請撫卹

事 候售出時酌議 僧脫塵請賞還白塘口廟地說帖 此地已經性成舉報充公碍難發還 議事會函知

調查神祇廟事 已查明函覆 王廷寧馮硯田認租海河淤地說帖 俟勘丈後再行議租 趙熙認租城西

南隅空地說帖 請來會面商 儲仁臨請照章納房地租說帖 此地已租與邵紫珊且在高等審判廳立有

租據碍難更名至被災坍塌不許地主收地請自向邵紫珊商辦可也 黃竊賡請查明廟地民地說帖 俟約

趙君朗亭到會質問再行核奪 王綺蘭張起祥爲請查該村三官廟地以便興辦學堂說帖 用木村廟產興

辦木村學堂實屬正當惟動用廟產必須議事會議決請自向議事會聲請核議可也 唐士珍等代請賞還脫

塵白塘口廟地說帖 此地當性成舉報充公時曾云與脫塵無涉據貴村正村副所述情形似多不符俟詢

明性成後再爲核議 李怡亭爲認租西南城隅坑地說帖 請來會面商 韓祖現爲認租西南城隅坑地說

帖請來會面商 福源堂郭等認租城南隅空地說帖 請來會面商 許竹坡爲陳明舖房改住房請照住房

納租說帖 現改舖房爲住房應由春季按草房納租後再行更改須來會聲明

(未完)

商會預算應辦事宜○奉天鐵嶺商會自新總理李君任事以來開會數次議員董君首先提倡預算商會今年應辦事宜有二大端(一)開埠之地例無銷場稅鐵嶺仍納銷場稅以致外貨紛來利權外溢宜請裁去銷場稅以符定章而維商務(二)貧民習藝所急宜創立安插貧民化無業爲有業之人藉以研究實業以振興商務此二事今歲務期達其目的云

部准商會附設分會○安徽青陽縣前以市廛無多故商務分會久未成立現查該境廟前鎮商業日有進步惟地方甚形狹小設會殊不易擬將該分會附屬於安慶商務總會以期輕而易舉業奉農工商部允准照行

漢口商會提議事件○湖北漢口商會於上月二十日開本年第一次大會各議董幫董均至場是日總理齊相琴君提議以會章未能盡善擬派員赴南北洋閩粵各省調查商會章程前任協理劉畝生君亦提議擬建一中國醫院捐地六千方銀一萬兩並請前任總理盧洪昶君主持其事惟布置一切非十餘萬金不辦當請各幫一律認捐時簽名者有五十餘人約集銀六萬餘兩又擬刊印捐冊請各洋商捐助鉅款以期經費充裕事可持久

路 礦

呈明發照開礦情形○直隸礦政調查局具呈督院內稱奉 農工商部札職商陳全福等稟請開採中興煤窰現

經順天府轉據宛平縣詳覆該職商等所請開採之處於地方并無妨礙應即發給開礦執照飭局遵辦等因惟查中興煤窰應輸井稅礦界年租等款應由宛平縣征收報解云

蘇省鐵路大橋告成○蘇省鐵路公司滬嘉路綫自松江以西有大橋二一斜塘橋計長四百六十尺一圓洩溼橋計長四百尺現均告成公司於日前特備專車東邀在滬士紳新聞記者舉行大橋落成式到者約二百餘人一時三十五分開車二時三十分至松江西門車站以西皆為新路過斜塘圓洩溼兩橋皆先以兩車頭拖載石子料車三輛過橋計重逾三百五十噸往返數次路工甚為堅實觀者莫不歎商辦鐵路之可恃云

復議趕辦廣廈路綫○粵省界內應辦廣廈鐵道原由張太僕與岑前督議定經過路綫報部備案嗣以廣九路裁去廣埔一綫及增莞各道綫遂因改勘定綫及計辦淡綫各事遲延未將全路工程訂定舉辦現大吏又經郵傳部電詢該項路工已照查催趕定改辦綫路務於本年內將全路工程款項均行籌妥次第分段計辦應行改定之綫路擬仍由閩省接至潮屬黃岡經過澄海海陽豐順揭陽陸豐海豐歸善各處即改由惠州北路通過博羅境地轉由增城北岸以達廣州不再經東莞石龍增城新塘及番禺南海一道俟候經將各事議有頭緒一面轉達部中商辦云

乙富有經驗者

丙薄有家資在千金以上者

丁文理清通者

戊無嗜好者

四本所設立西玉龍街

五設監督一人總理所內一切事務

六本所教員選聘本省外省日本法政卒業人員分擔教課擇其關於自治切要之學每週講授二十四小時

七設庶務一員專司本所收支出入一切事宜

八每教室設監堂二員管理齋務一切事宜

九凡報名至八十名以上即行開班

十本所經費除開辦費由各州縣攤派其餘一切用度概由學紳擔負每月食宿費四元學費四元若係通學只繳

學費餘者皆免

十一本所學紳以寄宿爲原則便於研究各地方情形以爲將來著手興辦之地步其有自願通學者聽但必按時

入堂免致曠課

十二此次學紳卒業之期以授課八個月爲滿

十三學紳卒業分別給予證書擔任宣講傳習等事及自治一切事宜

十四章係權宜規定如有應行修改之處即當隨時更正詳定刊布

山東新訂禁煙禁種章程

第一條限制土店

一查官膏未停辦以前專賣分賣膏店星羅棋布漫無限制實於禁煙前途大有障礙現在官膏奉部飭停辦所有膏店一律收牌閉歇而民間吸煙之戶一時未能禁斷勢不得不於城關市鎮酌留土店數家以便吸戶購買現

擬會商統稅分局酌量地方大小就從前原有之土行土店於省城內外招商十家承辦賣膏每州縣酌留五六家均由籌款局查驗資本按照部章分上中下三等每年繳費請領憑照作為官土店准其售賣膏土惟官土店家數每州縣至多不得過五六家自辦定之後不准再有增開以示限制而便稽查

一官土店每日消膏數目並買土數目均須登記賬簿約土一百兩可熬膏五十兩如該店每月銷膏五百兩祇准買土一千兩以此類推所有賬簿除責成官土店按月造送備查外仍應派員不時到店抽查如是數目核有不符即須詳細追究

一官土店購土時須報由籌款局派員往驗查其所買是否皆有印花之土如無印花照土價加二十倍議罰以防購買私土之弊

### 第二條嚴查土店

一省垣內外准設官土店六處東北西南四鄉各設官土店一處各在適中之地設立總須商民皆便所有准設之官土店均須有籌款局憑照方准售賣如有未領憑照私售膏土以及他項店鋪代賣膏土者均須由巡警隨時訪查一經查獲即帶送警務公所核辦

一官土店如遇有吸戶到店買膏須先驗明警務公所發給牌照每日所吸分量照數出售並詳記流水簿內其數目須與牌照相符吸戶購煙亦應按牌照所填分兩購買如有欲躉買者至多亦不得逾三個月煙量之數假如每日吸煙一錢每次祇准賣九兩為止以示限制而防流弊其無牌照而買以及尙未及期而又買者均不得賣給違者一併重罰

### 第三條稽查吸戶

一凡吸煙之戶應由巡警詰查戶口時查明煙戶吸煙之數報明登簿另立一冊並仿照天津吸戶辦法凡吸煙之戶均由警務公所發給牌照其牌照式並收照費之數均仿天津章程辦理查明後先行曉示令吸戶自行前來領照隨繳照費俾各吸戶赴官土店按照上所填數目購買煙膏仍由道隨時派員至官土店查閱賬簿其買煙之數與牌照所填是否相符倘有牌照與報名數目不符者即行取消買膏牌照至行旅過客欲買膏者亦仿天

平山縣余令廷珪稟四鄉種樹情形文

河南林縣鹽商益照臨稟匪徒藉加價爲詞聚衆鬧  
行劫文

十四日

北洋灤州官礦有限公司申覆 督憲派員赴歐考察  
情形文

直隸工藝局詳順直各屬產棉數目種類優劣及不產  
棉情形文

樂城縣葉令士模稟設立戒煙局妥擬章程聘定醫生  
開辦情形文

十五日

督憲楊准度支部咨嗣後凡遇土商貼花違章者應從  
嚴懲辦札飭土稅局查照文

督憲楊札藩學臬三司補行考驗候補人員文  
豐潤縣馬令爲瑗詳紳董吳國光等稟請轉詳批飭委  
員查勘提款挑修煤河以便行船而利商業文

十六日

磁州黃牧祖戴稟車騎關村北電綫被竊差緝情形文  
萬全縣饒令懷義稟開辦私塾傳習所情形文

文安縣錢令錫稟學台各村紳董會商設立集會所  
開辦情形文

阜城縣鄭令阜康爲傳習所畢業詳請學台立案文

十七日

督憲楊准稅務大臣咨上海祥生燭皂公司應仍准照  
成案辦理札飭津海關道查照文

度支部造幣津廠詳請通用南北洋龍元文  
緝私局何道炳稟鉅隆兩縣硝匪案結請將准練軍  
酌加津貼暨將勸導官紳給獎文

天津縣議事會移商務總會文

任邱縣徐令樹廷稟學台學警無的款請仍由畝捐籌  
撥並呈公議理財所試辦簡章文

十八日

度支部咨憲政編查館停選花樣州縣補交捐項酌量  
核減文

郵傳部咨外務部請轉知比使准將京漢鐵路借款定  
期全還文

督憲楊准川督咨派員赴津考查製革札飭工藝局查  
照文

灤州官礦有限公司詳擬呈陳家嶺附礦章程文

天津鎮照會議事會文

天津商務總會移覆議事會文  
天津縣函覆議事會文

十九日

督憲楊准外務部咨請飭稅關查禁私運嗎啡入口札

飭津海關道查照文

礦政調查局詳覆商人擬在井陘縣屬黃家溝開礦情

形文

爪哇華僑勸學所總董汪鳳翔呈報粵學各埠學堂報

告文

二十日

運司詳順屬紳董請提二次平價辦理農林學堂碍難

照准請咨覆文

延慶州周牧文藻稟遵飭禁絕栽種罌粟文

沙河縣勸學所總董劉鴻俊稟辦理本年第一學期學

務情形文

二十一日

運司詳請札飭口北三廳並咨察哈爾都統曉諭商人

旗民照常收鹽勿任觀望文

河南提學司詳擬訂整頓各學堂款項并會計庶務章

程文

二十二日

北洋電報官局詳前督辦大臣盛借用洋關銀兩請咨

郵傳部飭電政局查核文

京奉鐵路局詳匪徒放槍拋石有碍行車請通飭沿途

地方官查拏文

賑撫局詳續購平糶玉米暨發價文

東督徐吉撫陳札飭各屬籌辦蠶桑以興地利文

吉林商務自治兩會會詳請將地方稅章程仍由兩會

商酌改良文

法部咨覆川督並通行各省秋審辦法文

灤州劉牧鳳鑾稟請立商務分會文

阜平縣稟達賴喇嘛過境沿途保護文

二十四日

憲政編查館通咨各省諮議局預算決算辦法文

理藩部通飭內外盟部落將裁改各缺劃分境界繪圖

貼說送部文

督憲楊准江督咨抄送海界通例三條請核辦見覆札

飭司道查照文

元氏縣鄭令崧生稟遵設自治研究所擬派紳聽講文

二十五日

督憲楊准農工商部咨留美學生組織致遠公司提鍊

礦質購歸巴黎遂竹氏發明之秘法及機器之專利

權各等情札飭津海關道暨礦政調查局查照文



# 啓新洋灰有限公司廣告



啓者本公司係承受唐山洋灰公司創設新廠歸併舊有之老廠擴充辦理改  
 名啓新洋灰有限公司稟奉北洋升督憲袁咨准農工商部註冊立案上  
 年購到外洋最新式機器全副去臘業已開機所出之灰據西商洋化學師  
 考驗拉力俱高且出外洋之貨且機器加大出灰足敷主顧購用尙有製造  
 設在天津海大道英租界先農公司對面並於北京烟台上海漢口等埠均設  
 分處銷藉廣招徠如蒙訂購交貨無不從速至價廉貨高久爲中外紳商  
 所信用不待贅述所有本公司各種磚瓦等件尺寸重量式樣及大概用法另  
 刊華洋廣告光顧諸君請向本公司索閱價值一切亦可接洽也  
 得待風一千三百九號

**得利**  
 本行開設天津上海香港志呢華海參崴等處均設立有年諸班貨物由外洋本機器廠自造磁  
 蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶  
 鑽石戒指耳墜鑄子表墜大小八音盒並留聲話匣單雙桶千里眼磁磨花穿衣鏡梳梳洋鏡  
 大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本  
 行面議可也  
 本行主人啟

## 林祥元記 緞洋貨莊

本號開設（北京前門外鮮魚口）（天津估衣街中間路北）（山東濟南府院西路北）等處  
 自置綢緞洋貨願繡蟒蟒花素貢絨絨緞各色抖蓬哈叻厚呢以及京廣什貨織絨絨貨各色  
 俱全貨高價廉劃一不二中外紳商賜顧移玉是幸  
 瑞林祥元記具

## 京奉鐵路局廣告

啓者查直東各處貧民每年春間赴東三省一帶充作小工人數衆多祇以火車票價稍昂多係舍車徒步本局格  
 外體恤減收票價歷經辦理在案茲訂於正月二十五日在天津軍糧城塘沽各車站賣票至營口或新民府瀋陽  
 每人收車脚洋三元另印專票交由該站長公司售賣並飭不准額外需索惟此項買票搭車之人必須實係小工  
 不准夾帶客商希圖取巧該小工等每人祇許隨帶小包行李一件本局屆時派員在各該站並沿途隨時訪查如  
 查有冒混或半路輾轉售票情事輕則照章究罰重則送由地方官懲治其各凜遵特此廣告

# 欲為諮議局議員者臨

總發行所 上海商務印書館  
分設 京師 天津 太原 成都 漢口 廣州 奉天 濟南 開封 重慶 長沙 廣州

今年九月各省開辦諮議局 議員責任甚重 非研究有素 臨時必至周章 故凡為議員者 第一須知普通政法之學理 第二須知立憲制度之精神 第三須知地方自治之組織 第四須知會議決議之方法 本館所出政法書百餘種 茲選其尤簡要而又有合於斯四者 分別列目 幸垂鑒焉

◎普通政法書 法學通論七角 法制經濟通論四角 政法理財講義五角 日本法制要旨一元 日本明治法制史九角 政治講義五角 法律經濟辭典布面七角 法規大全解字四角

◎憲法書 政治學及比較憲法論三元 憲法研究書一元 憲政論四角 日本憲法義解三角 本預備立憲過去事實五分 立憲國民讀本三角 地方自治論七角 歐洲大黨論五角 十六國議院典例五角 日本議員必攜八角 地方自治書 日本議會法規四角 議會政

陸市政論四角 地方自治財政論五角 地方自治淺說三角 此外政法書 之九種要者 法律 有則 日本法規大全 二十一元 日本六法全書一元 比較國法學七角 國法學一元 行政法各論六元 民法原論二元 政治 有則 列國政要三十三冊 政治學一元 那特經政治學四角 政治法論一元 行政法各論二元 萬國國力比較二元五角 嚴復

社會通詮一元 嚴復羣學肆言一元 嚴復羣已權界論八角 財政 有則 經濟通論七角 理財新義五分 英國 度支考 有則 國債論三角 計學教科書一元 理財學講義四角 計學淺訓五分 教育 有則 日本明治學制沿革

史五元 歐美教育實際二元 德國學校制度四角 警察 有則 警察講義錄五十四冊 雖卷帙較繁 議員苟 有餘力而兼治之 則受益無窮矣 尚有 諮議局章程箋釋 有則 諮議局章程要義五分 諮議局調 查須知五分 諮議局選舉須知一角 諮議局章程表解三分 尤人人所必讀 無待贅言也 河北大胡同電話

五百二十六號

告廣館書印務商津天

# 本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

## 本局告白刊例

登一日者每字取洋五釐 三日四釐 七日三釐五  
一月二釐五 半年二釐 長年一釐五  
以上均按四號字起碼加寬行數照所佔面積計算  
登錄商標刻工另議  
三號字加半倍 二號字加一倍

## 工商演說廣告

啟者本月十八日晚八鐘至十一鐘仍在東宣講所內演說工商各項要理並添請張伯苓先生演說中國與歐美各國工商業之比較劉巨川先生演說生財有大道何子琴先生演說工業上圖畫之學不可缺乏之理李子鶴先生演說經濟學務希 各工商屆時 惠臨入聽不取分文特先佈告  
天津勸工陳列所謹啓

## 河北密窪實習工場招徒廣告

本場擴充科目須招官費工徒如願投考者准於前二月十一日起來場報名至閏二月初一日即行結止初五日早八鐘在本場考試此佈  
天津河北密窪實習工場白

## 急 開市到七年紀念少算八扣

竹材傢俱屏風 天津日本租界旭街 澤洋行  
花蓆東洋花  
自正月十九日至二月十八日間 電話三百五十號